

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Evangelischer Wandersmann

Stiegler, Johannes

Freyburg i. Br., 1667

15. Vortrag

[urn:nbn:de:bsz:31-131471](https://nbn-resolving.org/urn:nbn:de:bsz:31-131471)

bens/daran widerholet man nach bette-
bender Andacht/das Gebett des Herrn/
oder Vatter Unser/ den Englischen
Gruß/ vnd Apostolischen Glauben/er-
innert sich darbey der vornembsten Ge-
heymnussen des Lebens Christi/vnd be-
zeychnet sich mit dem heyligen Creuz/rc.
Wem solche Andacht nicht anständig/
hat macht/solche zu vnderlassen/vnnd
sich anderer zubedienen.

15. Vortrag.

Lutherische Prediger. Schütteln den
Kopff zum Creuz machen/sagen/es sey
ein lauterer Gauckelw. rck rc.

Außschlag.

Catholische Zuhörer. Antworten/
wann dem also/müsse Dr. Luther ein
lauterer Gauckelmann gewesen seyn/
welcher in seinem Catechismus deutlich
vorschreibt/wie ein Haußvatter sein Ge-
find soll lehren/Morgends vnd Abends
sich

sich segnen mit disen Worten: So du auß dem Beth gehest (im alten Catechismus stehet (fährest) solt du dich segnen mit dem H. Creuz/ vnd sagen: Das walt Gott Vatter/ Eohn/ vnd heyliger Geist/ Amen.

Darauff knyend oder stehend / den Glauben/ vnd Vatter Unser betten.

Warumb nun diser Creuz-Segen/ an ertlichen orten/ auß D. Luthers Catechismus verworffen worden / gibe die Ursach der H. Paulus (2 Tim. 3.) mit bösen vnd verführerischen Menschen wirds je länger je ärger/ verführen vnd werde verführt: Du aber bleib bey dem/ was du gelernt hast/ mit dem H. Creuz zeigen wir an/ daß wir Jünger des Gekreuzigten seyns mit den Worten bekennen wir die H. Dreifaltigkeit / zu welcher größerer Ehrn/ wir das Creuz machen / vnd also im wahren Glauben/ Hoffnung vnd Lieb / alle Gedancken/ Wort vnd Werck wollen anfangen vnd vollendet haben/ &c. 16. Vor-